



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2009. GODINU KONGRESNE NARODNE STRANKE ZAŠTITE PRAVA BORACA I GRAĐANA – PRAVDE I MORALA BIH

Broj: 03-07-6-122/10
Sarajevo, 18. novembra 2010. godine

SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	5
Predmet pregleda i kontrole.....	5
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1. NALAZI.....	5
5.2. PREPORUKE.....	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Kongresne narodne stranke zaštite prava boraca i građana – pravde i morala BiH za 2009. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

- 1. Kongresna narodna stranka zaštite prava boraca i građana – pravde i morala BiH prekršila je odredbu člana 11. stav (4) Zakona o finansiranju političkih stranaka.**

Pregledom, odnosno kontrolom godišnjeg finansijskog izvještaja, a obzirom na činjenicu da politička stranka nije dostavila dodatnu finansijsku dokumentaciju, nismo zapazili ništa značajno, osim gornje napomene pod 1., što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Kongresne narodne stranke zaštite prava boraca i građana – pravde i morala BiH za 2009. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Kongresna narodna stranka zaštite prava boraca i građana – pravde i morala BiH iskazala je ukupne prihode u iznosu od 67,50 KM, čija struktura je data u sljedećoj tabeli:

Red. br.	Vrsta prihoda	Iznos u KM	Učešće u Uk.prih. %
1	Članarina	0,00	0,00%
2	Prilozi fizičkih lica	67,50	100,00%
3	Prilozi pravnih lica	0,00	0,00%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	0,00	0,00%
	Ostali prihodi	0,00	0,00%
	Ukupni prihodi:	67,50	100,00%

U godišnjem finansijskom izvještaju stranka je iskazala ukupne rashode u iznosu od 2.277,95 KM.

2. PREDSTAVLJANJE POLITIČKE STRANKE

Naziv političke stranke: Kongresna narodna stranka zaštite boraca i građana – pravde i morala BiH.
Skraćeni naziv: KNS BiH.

Politička stranka je registrovana 05.01.1998. godine u Kantonalnom sudu u Sarajevu, broj upisa R-I-5/97.

Prema podacima iz Rješenja o upisu u sudski registar sjedište političke stranke je u Hrasnici, ul. Suvada Džulimana br. 34, dok je u finansijskom izvještaju stranka navela da je sjedište za administrativno-operativne poslove u Tuzli, Donje brdo 6.

Lice ovlašteno za zastupanje stranke je Enver Imširović-MUNJA, predsjednik stranke.

Lice ovlašteno za podnošenje finansijskih izvještaja za 2009. godinu je Šabanović Zlatija.

Prema podacima iz godišnjeg finansijskog izvještaja za 2009. godinu, KNS BiH nema niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Kongresne narodne stranke zaštite prava boraca i građana – pravde i morala BiH za 2009. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Kongresne narodne stranke zaštite prava boraca i građana – pravde i morala BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

U prethodnom periodu izvršeni su pregledi godišnjeg finansijskog izvještaja KNS BiH za 2005., 2006. i 2007. godinu, nakon kojih su izdati izvještaji o pregledu sa mišljenjem revizora, nalazima i preporukama.

Služba za reviziju je izvršila pregled godišnjeg finansijskog izvještaja KNS BiH za 2008. godinu, nakon kojeg je izdat izvještaj o pregledu sa mišljenjem revizora, nalazima i preporukama revizije. Prema mišljenju Službe za reviziju, KNS BiH prekršila je odredbe člana 11. stav (3) i stav (4) Zakona o finansiranju političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2009. godinu, utvrđeno je da politička stranka nije ispoštovala sve preporuke koje su date u izvještaju o pregledu finansijskih izvještaja za 2008. godinu, odnosno postupila je suprotno odredbama člana 11. stav (4) Zakona o finansiranju političkih stranaka.

5. NALAZI I PREPORUKE

5.1. NALAZI

Kongresna narodna stranka zaštite prava boraca i građana – pravde i morala BiH prekršila je odredbu člana 11. stav (4) Zakona o finansiranju političkih stranaka.

Kongresna narodna stranka zaštite prava boraca i građana – pravde i morala BiH nije na zahtjev Centralne izborne komisije Bosne i Hercegovine¹ dostavila dodatnu dokumentaciju (bruto bilans i kopije izvoda sa transakcijskog računa) za 2009. godinu, čime je postupila suprotno odredbi člana 11. stav (4) Zakona o finansiranju političkih stranaka.

¹ Zahtjev za dostavljanje dodatne dokumentacije za 2009. godinu broj: 03-07-6-122/10 od 01.06.2010. godine.

5.2. PREPORUKE

Preporučuje se Kongresnoj narodnoj stranci zaštite prava boraca i građana – pravde i morala BiH da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da postupa u skladu sa odredbama člana 11. stav (4) Zakona o finansiranju političkih stranaka i to:*
 - *da dostavlja dodatnu dokumentaciju koju od nje zatraži Centralna izborna komisija Bosne i Hercegovine.*

KOMENTAR:

Kongresna narodna stranka zaštite prava boraca i građana – pravde i morala BiH dostavila je Centralnoj izornoj komisiji BiH, dana 28.10.2010. godine, akt u kojem se nije izjasnila na nalaz Službe za reviziju dat u Preliminarnom izvještaju o pregledu godišnjeg finansijskog izvještaja za 2009. godinu.

Mr. Hasida Gušić, šef Službe za reviziju

Sanja Čabrilo, revizor